



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-660-4/24**
Datum: **06.03.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica JP «Elektroprivreda BiH» d.d. Sarajevo – Podružnica «Elektro distribucija» Zenica za donošenje rješenja o vodnoj dozvoli za ukrštanje priključnog 10(20) kV dalekovoda za STS-B 10(20)/0,4 kV „MODRINJE TRGOŠPED“ sa rijekom Bosnom, a u svrhu stvaranja tehničkih uslova za priključenje na elektrodistributivnu mrežu «TRGOŠPED» d.o.o. Kakanj u naselju Modrinje, općina Kakanj, na osnovu 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22),
d o n o s i

R J E Š E N J E **o vodnoj dozvoli**

1. Pravnom licu, JP Elektroprivreda BiH d.d. Sarajevo – Podružnica «Elektro distribucija» Zenica, daje se vodna dozvola za ukrštanje priključnog 10(20) kV dalekovoda za STS-B 10(20)/0,4 kV „MODRINJE TRGOŠPED“ sa rijekom Bosnom u naselju Modrinje, na zemljištu označenom kao k.č. broj: 3567/1 K.O. Gora i k.č. broj: 3048 K.O. Bilješevo, općina Kakanj, u svrhu priključenja na elektrodistributivnu mrežu krajnjeg kupca «TRGOŠPED» d.o.o. Kakanj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se trajno čuva sva raspoloživa investiciono tehnička dokumentacija koja je služila kao podloga za izdavanje ove vodne dozvole i na zahtjev nadležnih organa iz sektora voda stavi na uvid.
 - 2.2. Da se kod nadležnog općinskog organa Općine Kakanj provede postupak unošenja položaja kabla u katastar instalacija.
 - 2.3. Da se redovno, a naročito nakon svih pojava velikih voda u vodotoku, vrši vizuelni pregled trase kabla i temeljnih stopa stubova na obalama rijeke Bosne, te da se u slučaju eventualne erozije obala izvrši adekvatna zaštita u skladu sa tehničkim rješenjem odobrenim od ove Agencije.
3. Ukoliko zbog izgrađenog objekta dođe do promjene režima površinskih i podzemnih voda i erozije obala i ta promjena prouzrokuje štete ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
5. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
6. U ovoj upravnoj stvari plaćene su sve upravne pristojbe.
7. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 15 (petnaest) godina od dana pravosnažnosti ovog rješenja.
8. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

Obrazloženje

Pravno lice JP «Elektroprivreda BiH» d.d. Sarajevo – Podružnica «Elektro distribucija» Zenica obratilo se ovoj Agenciji sa zahtjevom broj: 03-82-31559-1/2024 od 26.12.2024., zaprimljenim dana 31.12.2024. godine, za donošenje rješenja o vodnoj dozvoli za ukrštanje priključnog 10(20) kV dalekovoda za STS-B 10(20)/0,4 kV „MODRINJE TRGOŠPED” sa rijekom Bosnom u naselju Modrinje, na zemljištu označenom kao k.č. broj: 3567/1 K.O. Gora i k.č. broj: 3048 K.O. Bilješevo, općina Kakanj, u svrhu priključenja na elektrodistributivnu mrežu krajnjeg kupca «TRGOŠPED» d.o.o. Kakanj.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 065-0-RegZ-24-013538 od 30.10.2024. godine izdatog od Općinskog suda u Sarajevu,
- Ovjerena kopija Uvjerenja o poreznoj registraciji izdatog dana 15.07.2004. godine od Porezne uprave Federacije BiH - Kantonalni ured Sarajevo,
- Dokaz o uplaćenju upravnoj taksi,
- Kopija Zapisnika stručne Komisije o rezultatu tehničkog pregleda izvedenih radova na infrastrukturnom objektu,
- Kopija Rješenja o odobrenju za građenje infrastrukturnog objekta broj: 04/1-19-4496/23 od 21.11.2023. godine izdatog od Službe za privredu, urbanizam i zaštitu okoline Općine Kakanj,
- Kopija Zapisnika o internom tehničkom pregledu elektroenergetskog objekta broj: 03-84-1-19256-1/2024 od 12.08.2024. godine,
- Skica snimanja elektroenergetske mreže R 1:1000, oktobar 2024. godine,
- Kopija Rješenja o vodnoj saglasnosti broj: UP-1/21-2-40-443-2/22 od 19.09.2022. godine izdatog od «Agencije za vodno područje rijeke Save» Sarajevo,
- Elaborat ukrštanja dalekovoda 10(20) kV „MODRINJE TRGOŠPED” sa rijekom Bosnom, opština Kakanj urađen od Institut za građevinarstvo «IG» d.o.o. Banja Luka, avgust 2022. godine (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-660-3/24 od 25.02.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Projektovani priključni 10(20) kV dalekovod za STS-B 10(20)/0,4 kV «Modrinje Trgošped» je izgrađen u svrhu stvaranja tehničkih uslova za priključenje krajnjeg kupca «TRGOŠPED» d.o.o. Kakanj.
- Prelaz dalekovoda preko rijeke Bosne izveden je preko stubova. Raspon između stubova je cca 130 m. Stubovi su izvan linije vodnog dobra uz rijeku Bosnu. Ukupna dužina projektovanog dalekovoda je cca 205 m.
- Radovi su izvedeni u skladu sa Elaboratom na osnovu koje je od strane ove Agencije doneseno Rješenje o vodnoj saglasnosti.
- Zaključak Komisije za tehnički pregled izvedenih radova je da je izgradnja izvedena u skladu sa tehničkom dokumentacijom na osnovu koje je izdato Odobrenje za građenje te tehničkim propisima i normativima, kao i uslovima za građevinu utvrđenim posebnim propisima te da se objekat kao takav može koristiti odnosno izdati Odobrenje za upotrebu.

Na osnovu dostavljene dokumentacije i uviđaja izvršenog na predmetnoj lokaciji, a u cilju smanjenja negativnih uticaja predmetnog objekta mosta na režim voda, podnosiocu zahtjeva su ovom vodnom dozvolom propisani uslovi korištenja i održavanja objekta u skladu sa odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 115. do člana 118. Zakona o vodama, člana 16. stav (2) Pravilnika o sadržaju, obliku, uvjetima načinu izdavanja i čuvanja vodnih akata, konstatuje se da je podnosilac zahtjeva JP «Elektroprivreda BiH» d.d. Sarajevo – Podružnica «Elektrodistribucija» Zenica, ispunio minimum uslova za izdavanje vodne dozvole, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-660-2/24 od 17.02.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- «Elektrodistribucija» Zenica
Safeta Bašagića 6, 72000 Zenica
- ⊖ AVP Sava, ISV-vodna knjiga
- Sektor 40 – arhiva
- Oglasna ploča AVP Sava